

福甯府志

地 310.143
134.1
11-20

萬壽無疆
福祿壽考

光緒庚辰
仲冬訖功

重刊福甯郡志序

州郡之志責在守土之人
歷年既久板籍散亡議增
修則力有未逮聽棄置則
心有不安不得已而補苴
之惟重刊為差善福甯舊

為州之有志自前明隆萬
以來百餘年未有修者我
朝雍正十二年升州為府志
仍沿舊乾隆己卯年川西
李君拔來守是邦始重修
之竭數歲之力而成區為

十二門條分縷析一變舊
志之陋疆域中增海防一
條詳攷而為之說當是時
國家承平海氛靖息而李君
拳、加意於海防其思深
其慮遠矣同治甲子余權

斯郡求李君之志存本已
甚字畫又漫漶思增葺之
而不果去歲季春之閏奉
檄重来則原書僅存二三
部板已散失嗟乎余昔領
郡時至今十數寒暑耳而


遺失廢棄一至於此若復
數年併此僅存者而亦止
之後之人雖欲徵文考獻
按山川之險要為牖戶之
綢繆又將何所依據乎集
紳士而商之僉以經費浩

大為辭又適修

文廟費已鉅萬勢難兼顧降思
其次乃有重刊之役以綿
前緒以昭後賢方策猶存
餽羊具在各守爾典慎固
吾圉庶亦有舉莫廢之意

歟原書多訛字別體勢不
能全改延友詳校擇其甚
者更正之疑者闕之不可
攷者仍之校既竣即以原
書貼板付鑄潤澤修明俟
諸君子

光緒六年歲次庚辰仲冬
中憲大夫權知福甯府事
會稽張其曜撰



福甯府志序

紀載之書所以傳信志乘其要
焉古今所稱風俗通寰宇記汝
南先賢襄陽耆舊等書不過史
氏之一隅而其文簡要其事精
覈識者韙之沿及近世郡邑之

福甯府志

吳序

間志乘大備前明如王公慎中
趙公時春具有傳書康對山先
生武功一志尤推鴻寶要其所
長皆以簡要精覈為主福甯閩
越奧區瓊流襟帶翠巘揖讓珎
木蔚蒼磅礴鬱積之氣鍾為人

傑接踵比肩於其間蓋

聖世承平涵濡沐浴百有餘年海隅
山陬亦蕃然而成都會矣雍正
十二年大吏請於

朝升爲府其地畝則由狹而廣其
戶口則由寡而衆其物產則由

嗇而豐其賦役則由簡而繁蒞
斯土者志乘之作莫先於此歲
己卯劍南 李公來守是郡進
舊志而稽之散漫闕畧自明中
葉以後未有舉之者大懼典型
放佚載籍濶疎爰集諸生延耆

舊朝攷夕究以采以輯閱再期
而始成時余方館於嵩山太守
嘗就商於余因得請而觀之深
喜是書之簡而要覈而精也余
曩時輶車四出周歷萬里所過
郡邑咸以志乘來質其完書固

多然亦有以遠望名山川以淫
祠列祀典以訛傳飾古蹟以別
籍入土著附會假借未嘗不心
怪之載觀是書提要必簡考覈
必精其事其文兩得之是足以
傳信矣抑余更有感焉今者太

守已移官福州視福甯直鄰封
耳視福甯事直後人事耳而太
守緣書自己作必欲成之絕不
以居官為傳舍是則太守行誼
之高為不可及也上比古人豈
獨在此區區文字間哉

乾隆二十七年歲序壬午孟夏
月上浣之吉

賜進士出身儒林郎翰林院編脩辦
院事提督陝西廣東湖南三省
學政甲子科廣西鄉試正考官

錢塘吳嗣富撰



福甯府志序

福甯界閩浙之交大海環
其南群山拱其北東西橫
亘藩維千里秦漢為閩中
地晉稱溫麻唐置縣名長溪
隸泉州郡宋曰福安元升縣

福甯府志

曹序

為州是稱福甯屬福州路
明初改為縣後升為州統福
安甯德為屬邑

國朝撫有區夏海甸艾安隨地
制宜初因其舊雍正十二年
經國治官畫疆分壤視內之

建牧立監祿參傳伍陳殷置
輔者晉秩為方而以分祿之霞
浦福鼎壽甯甯併隸焉以端
責成重法守也

聖天子重熙累洽嘉惠元元教養
兼施綱維具舉百數十年涵

濡漸摩蒸蒸黎樂利穡歟盛
哉定尚以來未有志印前州
志固修自前代神宗時者稽
今且二百年其間沿革廢興
損益利弊版冊雖存其書缺
有恫矣哉丁丑蜀川李君來

守是邦政事克勤兼為博
採以舊志年遠弗詳見聞
湮失請增輯焉又明年庚辰
調任福州李君曰自我始之元
自我終之未敢褻為鄰封事
也爰復精心校讎閱十有幾

月書成而李君適以憂去以
稟教予且請為叙予閱江文
通之言曰修史之難莫難於
志鄭漁仲謂志者憲章之所
賴必老子典故然後能為夫
訂古證今徵文考獻不博則

不該不約則不法不嚴則不公
與夫疑信相參繁畧相著此
均弗易言福甯一郡山有南
金霍童川有藍溪福江勝
槩可枚舉也仰宦如王尹詹
揭諸公或治行卓爾或大節

炳然並堪不朽人物之盛如薛
令之楊復謝皋羽林莊敏諸
君子同人踵起表揚宜亟目是
志成而綜核精詳是以允協天
時地利之宜禮樂兵農之大民
藝物則之繁建置輕重之故

燦然大備一按牘而稽如身歷
如指掌也李君去矣後之觀
政采風者胥有取焉是有功
於福甯可為去後思也為序

乾隆二十七年壬午九月之吉

賜進士出身通議大夫福建提
刑按察使司按察使加三級
合署福建布政使司事新建
曹繩柱拜撰



福甯府志序

福甯去福州東北五百四十餘里界以重嶺環海三面形勢奇險為閩浙之左塞余庚辰秋奉命來閩司糧驛兼巡福州福甯二郡既考圖籍獨福州有志成於今

運使錢塘徐公而福甯缺如詢之則自前明神宗癸巳歲迄今百七十年無繼修者時福州太守捷為李君先自福甯移守於此間言曾手輯之有草本未成予勸君必成之然以為福

州首十郡日夜治事不得休豈
暇及此哉今年春君謂予曰某
親老矣忽忽將告歸顧前所為
福甯府志幸已成書請及今刻
之以備遺忘余怪問其故何成
之易也則君於聽訟決簿暇數

漏刻燭不假手於他人如是者
十餘月而竣可謂勤矣出而讀
之詳核賅善凡言形勝利病若
道其戶內井竈覩縷緯繡無闕
於口者偉哉真李君一家言
也昔太史公作史記歐陽子作